

可

園

詩

存

予年才髫髻卽喜爲詩要不過談經咏史卽景言情而已弱冠以來適遭寇亂幽憂抑鬱長歌告哀以避地之杜陵爲從軍之王粲而詩境一變壯年而後運值

中興角勝名場文章爾雅起南山之霧豹逐東野之雲龍而詩境再變歲月不居亦聿旣耄超然物外山水方滋白傅多諷諭之吟謝客有登臨之作而詩境遂三變此天運之所爲也人事卽因之以異上無宗派之別下無門戶之分適成爲可園之詩而一生之閱歷寓焉亟付手民以當年譜可矣過此以往其竟不吐蠶絲乎抑將仍續貂尾乎精力所爲要亦不能豫定也宣統二年十二月七十四老人陳作霖自敘

可園詩存目錄

卷一

燼餘草

古今體詩七十一首

卷二

泛梗草

古今體詩四十首

卷三

觀濠草

古今體詩六十九首

卷四

浮淮草

古今體詩五十六首

卷五

泥湖草上

古今體詩五十八首

卷六

汜湖草中

古今體詩三十五首

卷七

汜湖草下

古今體詩六十四首

卷八

京江草上

古今體詩六十三首

卷九

京江草下

古今體詩六十九首

卷十

喜聞草

古今體詩七十二首

卷十一

息影草上

古今體詩六十九首

卷十二

息影草中

古今體詩四十六首

卷十三

息影草下

古今體詩七十一首

卷十四

上計草

古今體詩六十六首

卷十五

課圃草

古今體詩五十一首

卷十六

倦遊草

古今體詩六十八首

卷十七

治麓草上

古今體詩八十三首

卷十八

詩集
治麓草中

古今體詩六十三首

卷十九

治麓草下

古今體詩六十一首

卷二十

祥琴草

古今體詩五十六首

卷二十一

曠觀草上

古今體詩八十六首

卷二十二

曠觀草下

古今體詩六十二首

卷二十三

石城草

古今體詩六十四首

卷二十四

蓋山草

古今體詩六十三首

卷二十五

蟠園草

古今體詩七十首

卷二十六

近游草

古今體詩九十七首

卷二十七

蠹窠草上

古今體詩五十五首

卷二十八

蠹窠草下

古今體詩四十四首

可園詩存卷一

江甯陳作霖伯雨

燼餘草

起道光丙午六月
迄咸豐癸丑五月

秦淮水榭看燈船

家家近水築樓臺月點波心淨似指莫訝珠光搖不定一條
破浪火龍來

讀毛詩三首

闕雎房中樂淑女配君子夫婦道既衰乃有變音起日月呼
居諸黃綠感衣裏千古閨怨詩都從衛風始

江漢咏喬木召南編入之厥後十五國唯楚獨無詩菁華不
終秘屈宋暢其支九歌與九辨荃茅成楚辭

商頌語駿厲周頌語雍容魯頌獨鋪張享祀修閭宮吾尤愛

芹藻小大皆從公誠哉聖人國學校開宗風

莫愁湖勝棋樓

一局圍棋百尺樓勝朝元老最風流爭墩不效王安石千古湖名尚莫愁

讀漢書有咏四首

項籍

鴻門宴赦乃公鼎俎上生若翁項王仁者真英雄倘令定都函閼裏劉季束手無策矣況乃英彭諸豎子

張良

擊秦爲任俠報韓實孤忠滅楚賴明智辭漢成高蹤一身變化如神龍君不見天涯落落落數知己滄海君商山綺前有石公後松子

伏生

秦法雖密不能坑守口儒秦火雖烈不能燒滿腹書汲冢未
開壁未破記誦之功此爲大賈鄭疏箋徒涕唾

司馬遷

足歷山川名勝地胸懷抑鬱不平氣寫作將相世家帝王本
紀列朝實錄皆援例我思左國述事非不詳對此猶覺走且
僵腐史以外無文章

長干寺塔

言尋古長干遙見最高塔金碧煥光明天矯向空插不敢仰
頭看勢欲將人壓循行至塔根石級參差踏軒窗四面開禮
佛繞一匝僧進松花茶趺坐談彼法象教重前明興亡終一
劫欲問前後因鈴語清如答

可園詩存

卷一

高座寺

涼風吹老早秋天步入山門喜欲顛茶煮新泉甘媚舌盤堆
魁栗大於拳參天樹色四圍合禮佛蒲團一箇圓數罷阿羅
漢五百木樨香裏試參禪

新年詞十首

米淘計到隔年期斜插青松翠柏枝終歲飽餐真不易莫忘
辛苦下秧時

年飯米

巧樣團圓製最精香飴凍米細搓成春風笑語爭相索盡是
兒童歡喜聲

歡喜團

香鼻薰爐酒在盆甜鄉管領位原尊老能安睡兒無恐多乞

牀公牀姥恩

除夜以酒
食視牀神

瞳矐曉日已生光楚楚衣冠袖刺藏南北東西誰向好出門

先問喜神方

元日出行必迎喜神所詣之方

紅氍毹拜其升堂自向名牋叙輩行阿舅居然陪一飽家家

茶果待新郎

元旦新婿拜年必阿舅導引以行

奇零錢裏莫教遲紅紙裁成謹護持出手單雙猶自酌酬他

辛苦折腰時

亦喜包

雪色翻匙簇水花桃仁松子點芹芽主人不見渾無奈消受

空庭一盞茶

僕輩每以主人在家誼客而獻茶邀賞

嫁女人家舊例承晶毬一盞價應增宜男吉兆憑誰驗爭買

麒麟送子燈

送燈

草佩宜男早降祥元宵燒透味尤香

俗呼湯團爲元宵

尖團一笑憑

儂卜齊賀閨中新嫁娘

元夜於竈前燒湯團以尖團卜脫之男女

黍花在手綻瑤英

以棘刺綴黍米爲花

力怯休嫌太瘦生百病消除諸

可園詩存

卷一

三

春日嚴舜芝

舊鴻

邀看牡丹先至邢園

夙有探春情溫經苦無暇聞道諸名園紅嫣復紫姹穀雨三
月中牡丹開滿架意外得嘉招一日乞休假天宇清且和安
步謝車駕闔闔舊人家天半淩臺榭繞路龍蛇蟠入門蜂蝶
逐列障不見天秉燭何須夜首途第一程韶華已無價從此
境漸佳引人如啖蔗

由地樓經永慶寺遂抵隨園

春色若爲招不避路迢遠地中亦名樓九折下層坂一架朱
藤明護花張翠幃舉頭望天半白塔豁然顯知是比鄰菴何
妨暫游衍繚流意殷勤延坐試茶甌心契倉山翁前行不敢
緩遙望竹林深人家隱碧巘

隨園二首

本來宦隱此身俱，占得倉山東北隅。
何點數椽籬下宅，王維一幅輞川圖。
樓依山作高低屋，水界隄成內外湖。
到此令人增悵望，本來名士出菰蘆。

紅廊曲折漸通幽，振策先登最上頭。
鏡設空堂疑有路，地蟠古樹不知樓。
樓有小院，挺古樹，一檻從宿鳥巢邊出。人在盤蛇谷裏遊，結構匠心如此巧。
文章那得不千秋。

歸途偶憩妙相菴

日晚戒歸途，遊興恐蕭索。
假道入招提，小憩養腰腳。
水面露孤亭，木杪懸高閣。
香氣襲氤氲，雜花齊吐萼。
竹屋極清幽，茶話恣歡謔。
題壁紀新詩，書牕留後約。
待當餞春天，再來賞芍藥。

秦淮

六代繁華絕可憐
家家楊柳鎖輕烟
梨花香碎簾前雨
蘭漿撐開水底天
波急風燈搖小艇
月明畫閣響么絃
風流一夢誰能覺
枉費纏頭十萬錢

戲咏掃晴娘

漏天誰解補十日
雨淒淒威並揚風
后光偏斂月妻陰
霾時已久祈禱法
難稽有女原多慧
其年已及笄雲蹤
知借帝天遠擬登
梯慈惠宮靈乞尊
名比母題軀憑裁
寸紙手許刺柔荑
口血剛塗絳衣袍
若曳綈仗伊神力
大勞我瓣香攜果
見升紅日居然現
彩霓紫姑占並準
織女巧能齊報賽
花糕列虔誠出繡
閣

古長干行

妾住秦淮側。郎家青溪旁。雙流一朝合。中有兩鴛鴦。鴛鴦忽
飛去。打槳中流渡。巴江萬里來。遮斷長干路。長干路。慣經三
十五。郵亭郎行何日返。楊柳又青青。門前折楊柳。柔條挽在
手。西望天盡頭。夢斷巴江口。巴江雪初消。流過揚子橋。舉頭
見高塔。故里知非遙。郎書來故里。別離情滿紙。一去動經年。
春盡當歸矣。道歸猶未歸。倚門雙淚揮。不信妾腸斷。請看舊
著衣。

白下游春曲

春山淨如沐。春水深於藍。儂本游冶子。生小住江南。江南長
千里。選勝從茲始。楊柳未成陰。打槳秦淮水。秦淮接青溪。空
濛烟雨迷。臺城留一角。十里亘長隄。長隄行不斷。紙鳶春風
煖。高高雞籠山。欲尋招隱館。招隱隱未來。棠梨花已開。三山

何處是長歌上鳳臺鳳臺城西路隔城望烟樹江帆葉葉飛
苦勸公毋渡渡頭風浪生鼓棹誰相迎聊爲白下曲一寄程
歌聲

秋日游清涼山尋江光一綫閣

早秋明媚天觸我清游興西山爽氣高行行漸入勝拾級登

寺門賽會何繁盛

山有地藏菴
香會甚盛

重霧靄香烟喧聲雜鐘磬人

語幾莫聞禪心何由定曲路漸通幽閣中得寂境古苔綠上

階秋花紅點徑開閣望江光

閣爲耿天臺
崇正書院址

豁然眼都淨村邊

夕照明天外孤帆正憑虛仙可接膜拜佛休佞流連不忍歸

白雲迷石磴

晚登翠微亭遂下山小憩清涼寺

山景晚更佳白雲隨風盪絕頂有孤亭與客闕雲上紅牆闌

行宮

山半有南
巡駐蹕茶亭

綠草埋石礫長江一綫斜雲中閒眺望

卻尋下山途古道披榛莽腰腳已極疲小憩就方丈間是南
唐宮結構何軒朗法駕避暑來悠然愜清賞於今化禪林空
有鐘魚響滄桑不可常懷古發遐想迴望山上雲無心自來
往

明初金陵小樂府十二首

淮甸起真人符錄膺天命王師采石來指麾下集慶

王師來

大計賴贊襄屢幸先生宅參謀不受官品高誠意伯

聘靜誠

干戈猶未定禮賢館已開帝王知重士乃有真儒來

禮賢館

儒臣資輔導位畀監撫尊梅令都耦國飛燕啄皇孫

大本堂

天子好微行小犬吠花影譜入青邱詩殺機生秘省

青邱子

高樓臨衢市風月有主持太常掌禮樂乃韓教坊司

十四樓

可園詩存

卷一

六

靖難雄兵來飛渡長江水誰開金川門九江紉袴子

金川門

帝座犯客星同里皆遭戮不比方先生誅止及十族

瓜蔓抄

夫人化碧後此石留真形尼菴不敢奪佛火光迴青

血影石

長干建高塔金碧燦光輝前殿閉不敢僉云祀碩妃

報恩塔

南洋島夷長冠帶慕華風朝天不復返誰識鄭和功

浮泥墓

落日獨龍岡秋草人縱牧長生懸金牌孝陵誰逐鹿

長生鹿

明季金陵小樂府十二首

史公志社稷臨議何徘徊化龍有福邸四鎮挾之來

迎福藩

東林有替人清議在復社義子那能容顧生其健者

防亂帖

飛燕銜箋來奄兒詞不俗天子真無愁把盞聽新曲

燕子箋

春燈猜雅謎十錯恍先知已錯不復悔江山送織兒

十錯誤

巨耐王之明中外駭相矚惜少雋不疑引經斷獄獄

太子獄

侯生去不同奄奄遂臥病宮扇桃花紅藉寫妾薄命

桃花扇

善寫十眉圖樓高雲可接風流龔尙書打槳迎桃葉

顧橫波

丹青寄閒情權奸才亦富點畫後人加名漫辱閨秀

馬王英

警報馳九江西防誰足恃扼要板子磯鎮移黃闔子

左兵來

國家經壇壞人不食其餘高門生莠草誰重宰相居

雞鵲巷

馳道闕門前孤臣敢安坐墜車非畏誅名義千秋大

大忠橋

灌園夫婦老觸日黍禾愁種瓜青門外羞說東陵侯

關平菜

壬子四月出北郭經蔣侯廟感賦

蒼松翠柏不知春碧瓦丹楹煥若新聞說賊氛猶未靖

時粵寇入

楚南臨風獨拜蔣侯神

徐中山王墓

大將軍墓是誰封松柏參天積翠濃漫向秋風悲石馬早從

潛邸會雲龍人眞國士無雙品塚象祁連第幾峯終始保全
疇得及孝陵雲氣遠相從

臺城

六代繁華散作烟江花江草自年年遊人不解興亡恨猶向
春風放紙鳶

烏龍潭看荷花歌

石頭城西日未斜避暑來訪老僧家開軒一望心境豁沈潭
百頃皆荷花大如盤盂小如盃紅白錯雜眈雙眼露光團結
擬欲流香氣氤氲吹不散是時天上忽雲生彷彿烏龍空際
行荷葉荷花盡敲側風摧雨打萬千聲須臾天霽日復出一
片空明水晶域潔清淨洗宿泥痕鮮妍幻作傾城色鷗鷺忘
機了不驚老僧留客有深情不費蔬廚三日饌先嘗蓮子一

杯羹涼風吹衣淨如沐茲游何日方能續歸去閒門帶月敲
手攜荷花各一握

大佛寺尋月潭上人

言過虎踞關來訪鷲峯麓曲折穿深林踏破清陰綠問路逢
野人入門見大佛法界敞三千真身長丈六西廊最深處精
舍隱花竹佛印老禪師合十將客速開彼香積廚蔬筍飽我
腹參禪聞木樨招隱看叢菊諷經偈可持題壁畫堪讀地僻
心自清菴荒僧不俗何當脫塵緣比鄰築茅屋

詠史二首

顧雍

元歎生東吳白圭少玷缺命名相如同豪飲阮籍別封侯寂
無知作相密不泄巍然德望崇保身誠明哲

陸遜

伯言舉茂才風流實儒將書生竟繼瑜門蔭乃得抗安儲方
上章締交偏負謗傷哉虞仲翔亦復投炎瘴

觀清明上河圖漫賦

東風吹煖清明節南渡翠華留兩浙花柳西湖作勝遊迴望
汴都悠欲絕昇平樂事孰能知供奉猶餘老畫師良嶽石邊
棲鳳早天津橋上聽鶉遲一條衣帶長河水錦繡山川眞麗
靡匆匆馬過駿如龍戢戢人來多似蠅十丈紅塵撲面飛衣
香鬢影合成團金錢小市留春住燈火樊樓犯夜歸如此繁
華看不足無端竟換滄桑局傷心描出舊時圖合配東京夢
華錄宣和往事那堪聽五國城邊草不青賸水殘山留一角
可憐甘作小朝廷此圖好事收藏好競寶遺民初度稿豪奪

曾經伏禍機至今齒冷鈴山老紛紛遺迹總成塵古本憑誰
辨假真試向玉津尋故址依然天地一家春

癸丑二月城中作

王維飲泣杜陵謳生世無端遇百憂身爲有親何敢死居偏
懷土悔無謀閉門自守漢家臘舉足不離燕市樓安得雲開
重見日江天萬里穩閒鷗

可園詩存卷一

男詒紱孫祖同校字

可園詩存卷二

江甯陳作霖伯雨

泛梗草

起咸豐癸丑六月盡甲寅九月

癸丑六月初九日出南郭感事述懷率賦五百二十字

繫予年十七家世承青箱讀書思致用意氣何軒昂
幸生文物邦高詠歌虞唐金陵古名勝繁富甲四方
承平二百載不見戎馬場嶺表縱有警盜邊事之常
誰知勢大熾咆哮來豺狼前年永安失去年岳州亡
重湖忽飛渡輕兵襲武昌長江直東下折輦可以杭
大府奉

嚴詔上游扼潯陽白面一書生膽怯心惛懷遇賊不敢戰
棄軍走倉皇孤山委其險梁山徹其防賊艦高戢戢乘勢趨建
康憑城以爲守環堞樹旗槍城中十萬戶釜魚空奔忙白晝

可園詩存

卷二

一

聞礮震黑夜望火光相持不十日兵衆忽擾攘雷聲從地奮
萬仞無堅牆巷戰有何人裹頭巾皆黃頃刻衣冠域化作魍
魎鄉子家有複壁盡室此中藏聞其殺掠定出門走俚俚遇
賊無可避前來牽我裳不肯爲所役抵死項終強賊怒欲相
刃刀過潑水涼忽然氣作熱迸出如沸湯捫之涔涔濕額破
血淋浪自身必死腐儒爲國殤豈期賊颺去捨我置道旁
重生亦天幸創鉅痛詎忘從此深匿跡艱苦嗟備嘗忍死待
官兵引領常相望桓桓向將軍仗節來吳疆三戰三克捷士
馬皆騰驤連營十餘里進據孝陵岡賊中日數驚虛實莫得
詳使其拔幟登勇銳誰能當奈何太持重頓兵臨城隍一日
復一日功成尙茫茫坐令子遺民競欲去坊廂全家陷虎穴
拔出計亦良外援須豫設予因先啟行處變宜達權微服無

所妨平明出郭郭日暮宿村莊陰陰桑樹綠馥馥稻花香農
夫負未來行歌樂徜徉聞我賊中出慰問情何長側身望高
城殺氣淩蒼蒼敝廬不能守家累不能將萬感一時集悽惻
摧中腸

初十日宿郭氏山莊

風塵暫自心奔波梗泛萍飄可奈何薜荔牆低涼月薄蓬蒿
徑荒野雲多歸鴻空望城中信病鳥猶驚天外羅洞口桃花
零落盡不知何處有漁歌

十三日到朱門鄉題李氏壁二首

雞犬桑麻樂事全江村風景足流連萬重山色都環繞小小
桃源一洞天

最好溪聲帶雨聽方塘半畝水泠泠陰濃但見垂楊合中有
可對詩字

人家結小亭

書感呈甘耆壬先生

照

年少飄零劇可嗟
離城百里卽天涯
鄉關渺渺渾如夢
盜賊紛紛尙似麻
雲壓荒郊兵置戍
月明華屋客思家
杜陵廣廈於今託
秋興詩成鬢欲華
不寐

永夜不成寐
孤燈暗復明
卻將傷亂意
併入憶鄉情
鐵馬亂如語
秋蟲寒更鳴
愁懷向誰訴
老樹作風聲

午夜

午夜沿溪行
秋生葛衣冷
波靜月無聲
樹搖風有影
猛然見飛鴻
低頭念鄉井

送叔賢從叔

元頤

赴宣城

平生怕惹別離愁可奈飄萍不自由四面雲山雙蠟展滿天
風雨一扁舟杜陵寄跡常爲客謝朓登高舊有樓何日竹林
重結社酒尊詩卷共優游

九月十五夜渡石臼湖

時隨

家君赴甯國

秋風瑟瑟搖菰蒲平沙落雁聲相呼漁子棹歌入烟去叢叢
遠樹雲模糊晚來明月出東隅水天一色弄雙珠妙手徐熙
畫不到分明一幅瀟湘圖我本烟波舊釣徒飄飄浪迹來三
湖飽張蒲帆乘月渡驚起沙頭雙宿鳬船頭傾倒酒一壺鄉
心不覺生蘓鱸家園迴望知何處天外青山幾點孤
悼亡五首

何處曇花一現之輕塵短夢不勝悲卻思禮結青廬日正是
烽天火地時

結襁之夕賊適圍城

可園詩存

卷二

三

白頭那得永相依揮手匆匆淚溼衣好似鴈鷗頻搏擊敵將
雙燕各分飛賊禁男女極嚴雖家人不惟同處

賊斫裴公幸不死家藏季布獲重生於今劫火如灰冷每顧
微軀尙感卿予被斫後匿外舅密室中得免

當時出走爲全宗兒女私情肯挂胸臨去未曾邀一見九泉
應怨薄情儂

病爲何日死何時消息由來總不知此際淒然聞信處滿湖
風雨一帆遲

哀江南圖

書劍飄零來異地仲宣聊作依人計坐中有客閭滄桑勸我
縷說江南事江南自昔擅繁華表裏山河眾競誇燕語鶯啼
金粉地龍蟠虎踞帝王家六朝往事皆陳迹廢壘荒營土花

碧齊梁宮闕廢嘉名王謝門楣尋故宅鍾山萬仞表雄都莫
道金陵佳氣無萬戶千門人似蠅清明一幅上河圖連闌帶
闌人烟聚車馬風馳臨廣路舉國豪華盡若狂當年富庶還
如故朴真銷盡古風訛繡戶珠簾簇翠娥鎮日開筵傳酒盞
深宵列坐聽笙歌秋娘一曲人皆醉纏頭不惜千金賈豔奪
羅裙秋淚修波搖畫舫春燈麗豈料歡場變爽塏百年培育
付東流鶯花正作揚州夢蜚氣俄消海上樓熒熒鬼火飛原
野鄭俠流民圖可寫孤城月黑樹啼烏廢苑草深人牧馬昔
日丁簾弄玉簫近來甲帳珥金貂只餘九曲青溪水流過秦
淮舊板橋猶憶倉皇戎馬警元戎倒擁旌旗影風送千家野
哭高霜催萬竈晨炊冷江頭惟望外援師困守經旬力不支
疲卒時聞仙鶴唳臺城空見紙鳶飛大霧迷茫人不見無端

巨礲轟雷電城上爭看賊似潮城中無奈兵如綫誰憐錦繡
好乾坤險阻難憑像鳳門日色有光皆黯淡夜郎無識自推
尊迫脅良民歸什伍營成巢穴傍江濤遺黎轉徙澤中鴻虐
政紛煩山裏虎金窟銅峰結構牢一人歡樂萬人號燕安竟
白樓空幕鵲巧何能守舊巢興衰信是如輪轂深谷爲陵岸
爲谷昆明劫後賸餘生往日流風猶在目紅燈綠酒敵華筵
說到傷心也淚漣好似江南花落後重談天寶李龜年

謝公北樓

我讀小謝詩刻露秀在骨今晨登茲樓仰止神飛越時方十
月中寒風響林樾橘柚與梧桐丹碧相煥發對面敬亭山夕
陽時明滅俯仰一周遭悲欄呼快絕徑欲攜酒來天外招明
月

宣城太白樓

嗚呼君乃謫仙人醉騎長鯨蹙赤鱗手揮日月摘星辰下視
人世皆埃塵茫茫歷劫千餘載百尺高樓猶宛在我今落魄
來宣州狂歌直到樓上頭百壺傾盡不知醉一笑浪擲千金
裘酒酣四顧天地窄干戈擾擾何時休鳳皇臺上荒草暮采
石磯頭江月秋滄桑變幻不可測憑欄涕淚絲纓流安得與
君痛飲三萬六千日爲我消盡人間離別愁

無題二首

亞字闌干護幾重誰家環珮響琤琤情通銀漢三千界夢斷
巫山十二峯芳信幾曾通荳蔻春城猶自隔芙蓉欲將綺恨
殷勤訴青鳥傳書未易逢

錦瑟誰彈舊日絃歸來紫玉倏成煙春生畫閣調鸚鵡月冷

空山叫杜鵑天闊那知雲易散海寬豈是石能填璇閨瑤室
知何處愁絕西風黃葉天

西津渡觀瀑

瀑在甯國縣西

紅葉蕭疏樹四圍釣磯閒立趁斜暉無情最是山中水一出
山來便不歸

有問秦淮風景者詩以示之

秦淮水色碧於油畫舫曾經作勝遊十里板橋低映水幾家
垂柳不遮樓曲翻紅豆心能記酒溼青衫迹尙留最好夕陽
明滅際蝦須簾捲競梳頭

十二月二日自甯國返朱門鄉題寓舍壁

窮鄉聊避亂那有買山資室小剛容膝檐低不礙眉霜高孤
月冷風急一燈危遊子情無限時吟陟屺詩

除夕憶母及諸妹二首

白雲天外漾遊子淚沾襟況值歲除日倍添反哺心三更魂夢繞六月別離深消息憑誰問家書貴比金

諸妹久相隔離憂莫可名非無重聚日其奈此時情慰母全資汝思耶定及兄愁來不成寐豈爲守殘更

春望

雨氣四圍歇流泉鳴潺潺好風何處來吹皺水一灣炊煙起樹杪夕陽明亂山向晚羣動息宿鳥飛皆還吾亦適吾性放懷天地間

落花

園林舊日也芳芬春色沈酣到十分大塊文章能假我華嚴小劫最憐君馬蹄碎踏香中路蜨夢空尋水上雲我是天涯

未歸客閒愁偏觸杜司勳

有蠶詞四首

天氣微寒雨似絲
煖房布置最相宜
三春辛苦儂須記
盼到蠶眠甚熟時

采葉曾無片刻閒
近來一月未梳鬟
東鄰姊妹閒相過
誇道儂家蠶上山

朱門鄉語謂蠶上簇爲上山

絲絲都向寸心抽
萬緒千頭不自由
如此纏綿祿底事
阿儂從不解春愁

釵占錢卜漫端詳
蘭大如銀爛有光
結得同功新樣巧
背人私謝馬頭娘

自朱門至涪化山行二首

鳥道轉峰腰
彎環路一條
深林蔽野寺
流水瀉溪橋
淮喜秦

源接山瞻天印遙羈人顛頓甚蹤跡類萍飄

紆曲徑通幽晴雲凝不流松聲清似水蟲語冷於秋道側逢
疲卒山凹露成樓連村爭打麥野老那知愁

八月八日渡江

時移家赴全椒

夾岸蓼花汀中央泛小舫江流千古白山色六朝青鷺鳴軍
聲亂魚龍水氣腥故鄉何處是斜日下滄溟

烏江懷古

誰道江東急氣親八千子弟總成塵楚歌一唱皆離散不及
田橫五百人

村居

林木蕭疏露翠微暮碁聲急助寒威滿階落葉無人掃閒與
山樵話夕暉

寄伍濯之

鍾漢

甯國三十六韻

經歲故人別相思覺黯然暮雲心藹藹舊雨意拳拳屢接探

梅訊如歌伐木篇人天增昔慨文字憶前緣潘令分符日

尊甫

莘農先生

黃巢肆虐年羈人情悵悵公子態翩翩蔭遠松堪

庇交深漆比堅非貧偏入幕待客屢張筵北寺斜陽裏西津

雨後天

北寺西津皆在甯國

有奇皆共賞得句亦同編勞燕無分影蛩

駢竟比肩通家原自洽患難況相憐豈料君銜恤翻令我涕

漣宛陵難久滯建業且言旋消息孤城訪離懷故里牽月笑

容再缺海竟欲平填窟穴頻探虎音書未斷爲行權休避竇

贖命不論錢直至裘絺換方欣骨月圓

甲寅七月家人始陸續至鄉寓

重幃

顏復接諸妹語重聯卜宅青山迴環村綠竹妍人思安樂土

事忽變桑田烽火通宵逼

賊焚陸郎橋距朱門僅入里

心旌鎮日懸處真

同燕雀毆更甚鷹鷂銅井鄉中路

將赴全椒道經銅井有賊隊在鎮驅車從街後冒險

而烏江渡口船

前至烏江即聞賊掠和州不宿而行

亡家噬犬急出谷學鷺遷

雀廟

集名

途纔歷椒陵地本偏張村烟漠漠陳淺水涓涓蕭瑟

秋三徑棲遲屋數椽

寓全椒南鄉張傳村距陳家淺十里

飄蓬心倦矣戴笠意

終焉想見深山客居然避世仙雲隨高士懶春到曲房先

君寓

胡氏先春山房

濁酒良朋飲新詩近事鐫

君刊近事詩三十首

劫灰飛野馬鄉

思託鳴鵑望氣心先羨多愁日屢眠吟成情不盡聊以代薇

箋

論史雜詩二首

錢王英武姿崛起臨安地其時唐初亡朱三僭稱帝非若漢

晉朝正統傳世系寶融與張軌事難援作例倘使奮天戈率

眾勤王事傳檄連諸藩合謀伸大義除暴救生民斯志定能

遂豈徒兩浙安天下皆蒙利卽或力不支愛民勤撫字亦當
絕朝貢閉關修戰備中原勢縱強尙有吳爲蔽越國以鄰遠
其來實不易半壁東南天那便驚烽燧帝制以自爲實可養
吾銳奈何十四州偷安無遠志割據雄一方臣服歷四世雖
守知足分究昧討賊誼三復羅隱章歎息斯人逝

荆公相宋室誤信周官辭舊法變祖宗邊釁開外夷言官雖
屢爭此論終不移遂令靖康禍於此伏其機跡其當日心爲
公非爲私勉君以堯舜自待以皋夔無如剛愎性泥古而害
時謂之大奸慝老泉論亦非善乎程子言吾黨激成之

秋郊曉行二首

一點朝曦射青山換舊容村遙微辨樹寺近忽聞鐘鵲噪欣
巢穩牛行有犢從不知塵世事江外任傳烽

山盡疑無路林開別有天清霜明似雪溼霧重於烟鵬浴波
紋蹙魚跳水暈圓冬心從此抱衣薄受寒先

可園詩存卷二

男詒紱孫祖同校字

可園詩存卷三

江甯陳作霖伯雨

觀濠草

起咸豐甲寅十月盡丁巳正月

十月二十五日過清流關

時移家赴鳳陽

匹馬上危關崎嶇路幾盤
帝王開創易險隘削平難
堞影依天盡河流隔樹看
悠然懷古意莫雨不勝寒

大柳道中

沿途怪石勢嶙峋
滾滾沙塵逐繡輪
村郭不堪頻極目
天涯何處足容身
排空列岫如迎我
侵曉嚴寒漸逼人
太息山川形勝地
曾經兵火倍傷神

遊鳳陽龍興寺

龍興寺內蟄龍飛
蟄龍飛去人事非
龍飛龍去轉瞬耳
我來

可園詩存

卷三

憑弔空斜暉老僧導我入前院山門冷落空無殿此寺至今
五百年由來幾歷滄桑變荆棘叢深瓦礫堆斷碑臥地苔花
濺丈六金身燒不壞突兀分明眼中見明祖眞容一燈藏藉
識微時三尺劍皇覺之名杳莫攀空留梵剎表禪關龍潛舊
事休重說乘興還登第一山

山在寺後明太祖御書第一山
三字碑亭尚在

登第一山二首

兩袖振清風登臨眼界空四圍枯樹白半堵短牆紅山抱禪
關小碑劖御筆工滄桑增感慨劫火故鄉同

草草謝塵勞清遊屬我曹凍流凝石滑孤塔插雲高禽語輕
於梵松聲冷似濤鼎湖龍已去滿徑長蓬蒿

冬夜二首

天涯何處是儂家風急嚴城鼓亂過只有多情清冷月夜深
依舊上窻紗

簾鉤低下靜無譁土銚煙消懶煮茶借問宵寒誰與共一瓢
清酒約梅花

玩月日占

良夜迢迢欲放晴輕雲籠月不分明月從南去雲從北知是
雲行是月行

春日偶成

自笑閒門客到稀綠苔寂寂掩雙扉靜中消息誰能解庭際
游絲款款飛

獨坐

獨坐幽齋裏新詩次第題雨餘庭礎潤雲暗暮天低破壁蝸

留篆空巢燕得泥不知春幾許紅杏出牆西

尋明鳳陵

晨鐘暮鼓敲龍興我來過訪中都僧真人遺蹟恣搜討走馬
卻出尋南陵羣山環拱立如笏浩然一氣相奔騰傳聞此地
係蘂葬漆室那有魚膏燈雷雨一過窺窰就父老之說苦無
徵翁仲年深倒地臥欲問往事呼不響豐碑百丈俯蝨蛄苔
花上澣纏枯藤推尋點畫尋波磔捫之字字疑生稜微時艱
難躬自述詞經御撰皆足憑歸途閭誦畧上口皎皎缺月雲
間升

莫春雜詩三首

夜來風雨打窗紗檐馬琤琮不住譁曉起開簾不忍看庭前
吹滿碧桃花

天氣陰陰作嫩寒客來握手若爲歡計時穀雨今將到相約
名園看牡丹

小院蔥蘢樹四圍晚來獨自倚柴扉天公憐我清貧甚故遣
榆錢滿地飛

夏夜

散髮東軒下涼風生薜蘿欲歸虛室臥其如良夜何疏簾篩
碎月薄幔捲明河卽此悟清淨矯首爲長歌

朱子期

紹顧

寄詩見懷次韻答之

鴻雁傳書至秋風已滿樓感君綿邈意動我別離愁芳草太
遲莫閒雲任去留夢中今識路時與故人遊

凍豆腐十六韻

種豆南山下秋來歲事登寶防鸚鵡啄磨比蠃行升蔗美甘

漿漉鐘懸石乳凝于囊裝待壓在釜氣如蒸玉質清無滓金
刀切有棱買從村市早製合食畢憑昨夜風偏緊連宵冷不
勝雪膚呈瘦透冰質顯淳澁針孔穿千縷羅紋皺萬層蜂鑽
房覺密繭結鼻逾增瑣細奇花現雕嵌鬼斧能肥宜霜蟹配
語莫夏蟲磨椒點香偏烈爐烹火上騰酒應供夜飲盤待佐
春燈淡泊情還永清寒品足稱米鹽菰韭外佳味稱詩僧
送竈神辭

酌椒酒兮烹黃羊神將行兮薦一觴雲爲車兮風爲馬小停
滯兮蓬門下理秦牘兮達天聰世情叵測兮須臾隴東家有
人兮傾家釀作媚顏兮強相向功名顯赫兮官人樣問頭銜
兮中郎將

斗室卽事二首

開到梅花一室春
幽齋瀟灑自無塵
明知有客褰帷入
故遣清香暗襲人

釀得濃雲覆屋陰
圍爐斗室自沈吟
晚來偶捲風簾望
雪積階前一寸深

過圓覺寺

芒屨皆踏破
尋得好禪關
風動春初柳
雲沈雨後山
開門延客入
趺坐待僧還
參透華嚴偈
相逢一笑間

題壁二首

禪房無纖塵
想入非非想
林外風送來
一聲清磬響
檐際鶉鴉啼
雨聲在木杪
淫雲忽蕩開
亂山青不了

海棠絕句二首

腰支無力怕臨風
亞字闌干面面通
春睡方濃簾未捲
朝陽

不敢十分紅

小院無人自鼓琴
青苔寂寂屐痕深
花開一樹春如海
煞費東皇醞釀心

咏燕三首次周鏡涵

桂清韻

話別曾從海外飛
誰知依舊逐春歸
野池水滿輕輕掠
宮殿風來故故微
異種漫教譏白脰
閒門猶自夢烏衣
主人情重休孤負
爲爾頻開竹裏扉

一桁疏簾挂夕陽
連朝只爲作巢忙
春風面識來原熟
落月庭空住不妨
神女匣中欽玉影
盧家堂裏鬱金香
翩躚不與凡禽伍
幾度銜泥上畫梁

清和時節雨初晴
一片呢喃軟語聲
大廈萬千應可庇
新雛八九喜初生
幾多禁忌成巢日
無限艱難鬻子情
玉剪差池

剛學舞好風妍日莫相驚

病起漫成

晝長不覺漏聲催小榻閒眠一夢回芳草綠從前苑去夕陽
紅上小窗來槐安蠹國無真境藥籠稀苓豈棄材獨倚闌干
閒眺望好花將次放玫瑰

偕周浦雲訪吳允中

堯法

不值

遲遲春日長獨坐誰與樂知心雨三人書齋尋舊約琴書尙
依然芳蹤何處託惆悵下庭階一簾花影薄

禽言五首

泥滑滑路難行三更冒雨猶過兵牽馬無善步荷戈有怨聲
士力已疲將心玩倘遇賊來何以戰死一半逃一半

割麥插禾農夫無多路當衝要時防干戈麥熟幸未遇賊擄

可園詩存

卷三

五

插禾知爲誰辛苦

行不得也哥哥道途無限坎坷山行畏虎豹水行畏蛟鼉此
閒安樂縱難久持校冒險其如何

提胡盧尋酒肆玉山頽先生醉醺然直到太平時不管世間
離亂事

不如歸去江南春暮心逐江南雲目斷江南樹江南渺渺隔
烽烟我今欲歸向何處

雜詩四首

明月流素彩盪滌我塵襟愛此良宵景起坐撫瑤琴高山與
流水何處尋知音唯有鍾子期可以證同心

幽并遊俠兒負櫟事長征驄馬黃金勒蹴踏烟塵生倚天有
長劍屢向匣中鳴曉行霜滿野暮宿月當營辛苦百餘戰心

摧金鼓聲一朝得厚賞功名反手成圖像淩烟閣冠劍何崢嶸丈夫有事業要在任事城嗟我獨何爲書窗守短檠

南山有烏鵲結巢在林阿豈無淩雲志奮翼舞婆娑登高聊顧望西方張網羅不如棲一枝歲月任消磨

北登鳳皇城懷古有餘哀宮殿何盤鬱埋沒在蒿萊千年華表柱日久生蒼苔英雄起草莽而今安在哉人生如寄耳渺若塵與灰胡爲久愁苦中懷鬱不開天地有化機觸目紛然來朗吟秋水篇直上莊周臺

丙辰五月感江南事四首

鈴轅寂靜擁貔貅坐鎮東南第一州塞上馬援空矍鑠峴山羊祜太風流戈矛林立兵屯戍歌舞歡呼客獻籌豈料滄桑輕變易蕭蕭蘆荻廢營秋

鍾山壁壘倏成空三載攻圍未奏功立幟竟從拔幟後潰癰
端在養癰中烏棲大幕連雲黑馬踏殘骸帶血紅城下頓兵
古所忌相州郭李潰師同

班馬聲從靜夜聞拋戈棄甲勢紛紛賊憑險阻功難就兵爲
隄防力轉分大將由來不好武餘師今已莫能軍三吳財賦
憑誰保日暮丹陽起陣雲

消息傳來竟不訛三年劫運又經過長鯨陡覺興風浪病鳥
從知怯網羅每念杜陵遭喪亂頓令庾信放悲歌幾多親友
無從問南望江鄉喚奈何

擬古七首

士生天地間雅志慕青雲文必追秦漢書必窺典墳欲以華
國才甄死揚清芬豈料事會變亂世不重文手無縛雞力何

以立功勲彈鋏中夜坐憂心急如焚請纓繫南越壯哉古終
軍

香草生空谷其中有幽蘭采之爲雜佩將以贈所歡美人在
何許迢迢天一方有志不得達憂思結中腸

鳳爲百鳥長和聲應歸昌阿閣巢已傾德輝杳難望豈無枳
與棘暫棲亦何妨顧之不肯下奮翮萬似翔千載不一見身
隱道彌光時乎將有待梧桐生朝陽

皎潔和氏璧良工爲琢磨當途爭物色價值連城多方其太
璞完寂寞荆山阿玉人尙不識誰復手摩挲抱哭獨何人涕
淚空滂沱風塵中知己只有一卞和

紅樓有佳人灼灼桃李姿倚欄翠袖薄含顰若有思思君君
不見淚下珠穿綫春風吹羅幃營巢來紫燕紫燕尙雙飛君

行胡不歸妾心盟白水郎意莫相違

步出北郭門蕭條白楊樹新墳何累累不識誰家墓彭殤同
一致塵世若朝露安期與羨門寂寞歸何處我有長生術告
君君宜悟古者德功言三不朽並著照耀人耳目千載常如
故其身雖已沒其名猶足慕壽與天地齊勉旃毋自誤

人生各有志我志果何如軒冕不敢望所樂在田廬負郭三
百畝其中安隱居繞屋桑與竹綠葉何扶疏催耕聽布穀垂
釣數嫩隅下以供饘粥上以輸賦租衣食不足憂歲計常有
餘餅中醢春酒案頭堆古書素心一二人朝夕相與娛醉卽
陶然臥莊夢忽蘧蘧如此數十年胸襟澹太虛不知今何世
疑是羲皇初

焦磬泉明經

章氏

以中秋對月詩見示音多悽婉依韻奉和

以解其憂

三萬六千日良宵有幾何
塵心隨月淨鄉思入秋多
幾處敲砧響誰家對酒歌
盈虛有定分不必怨姮娥

錢僕之貳尹

寄昌

自揚州戎幕還鳳陽將赴官浙右賦贈三

首

男兒談笑覓封侯
曾向邗江作壯游
十萬旌旗新幕府
二分烟月古揚州
詩篇豪氣參戎馬
劍匣寒光射斗牛
賸有從軍王粲句
銅琶鐵笛不勝愁

莫負千秋吏隱身
浙西風月淨無塵
海塘遺愛光家乘
仙尉高懷繼子真
枳棘縱難常宿鳳
功名何必定圖麟
挂帆好趁涼颿發
要與湖山作主人

同住南朝金粉場
豈期相識在他鄉
江東第宅懷王謝
濠上

交遊慕惠莊夜月探驪同琢句秋風匹馬欲催裝臨歧莫唱
陽關曲握管先將詩債償

偕浦雲昆仲步月至顧家塘

良宵不忍眠明月耀清景童冠五六人聯步踏月影明月若
有情依依前導引人住月亦住澄潭波數頃明月不可掬耿
耿清光冷投石水中央一聲烏鵲警波流光碎波定月光
整賞玩澹忘歸迴非塵俗境爲語同心人此趣宜善領

十一月十五日姑祖周范亭先生招飲賞月

明月無語光流天梅花綽約含素烟主人跌宕招羣仙紅燈
綠酒張華筵酒酣樂事何纏綿非絲非竹非管絃敲詩紛擘
郇公箋藏闕爭舒鈎弋拳腹笥搜窮邊孝先金谷罰設李青
蓮是時天心月正懸高歌醉倒酒壚邊姮娥恕我狂且顛照

我頂上十分圓滿擬良宵長似年那知宴散月已偏
喝月倒行月不前寒氣直逼霜毛巔步月歸來不忍眠
憑闌獨立聳吟肩

寄懷叔賢從叔晉中四首

太行綿亘道途賒西望長空日易斜料得詩懷依舊健
懸知酒量比前加地無烽火眞爲福人住深山便是家
知否竹林吟社裏有人相憶在天涯

亂世生涯餬口難聞君近欲學申韓硯爲舊業常相伴
琴有新絃要改彈鵬翮未搏千仞勢鷦巢先擇一枝安
他年名重蓮花幕還向儒林傳上看

天時人事兩相因僑寓淮南最愴神千里蝗飛成赤地
萬人

蟻聚裹黃巾

是年旱荒蒙
毫土寇竄起

鄰邦惟恐虞隨號大吏依然越視

言不 卷三
秦若向此閒常寄跡也須帶得膽輪囷

一枝梅放占春先驛使相逢好擘箋表裏山河欣在望流離
骨肉劇堪憐青箱未克承家學綠鬢無端誤少年猶憶芸窓
當日事論文不覺月華偏

喜雪柬錢樸之

望雪雪已降寒氣深宵逼開門望青天與雪同一色紅破梅
有香青折竹無力山遠孤峯平溜滴危檐仄頃刻宇宙間變
作琉璃域人有豐年望我亦塵心息尖叉闕詩壇驪珠誰先
得

詠雪用東坡尖叉韻

詩壇不屑闢穠纖白戰無聲號令嚴高士閉門猶臥絮小鬟
勸酒解歌鹽畫成蕉葉添圖稿折得梅花插帽檐倚檻莫嫌

雲漠漠遠山高塔尙留尖

朦朧曙色隱金鴉空際無人馭日車高閣珠簾猶隔影後庭
玉樹忽生花指彈偶現華嚴界氣暖終輸富貴家誰解騎驢
來灞上黃昏不辨路三叉

丁巳正月雪

東風不解凍堆就玉玲瓏縱有過時恨猶多潤物功山迷螺
髻翠塵隔馬蹄紅問爾來何暮拈花一笑中

感事五首

熙熙何日樂昇平依舊潢池未息兵千里膏腴皆赤地百年
劫運累蒼生貲財已竭封樁庫號令誰嚴細柳營多少干城
膺重任勞予盼斷凱歌聲

六代江山黯劫塵側身南望倍傷神須知金印登壇將本是

銀刀列隊人

和 大臣春新拜江
南 欽差之命

叔子慣將裘帶緩司徒空見

幟旂新沙場轉戰原難望且爲三吳守要津

羽書飛報太紛紜南北何堪盡寇氛幸未合成銅馬隊不知

誰是黑鴉軍潁陽危堞迷朝霧淝水連營起陣雲來往通衢

爭一綫諸君好爲建殊勳

臨淮自袁都堂甲三
移節後寇氛日逼

廬陽坐鎮賴元戎豈料孤城戍又空

福中丞濟
退師店埠

賊以進攻爲

得計官能善退亦奇功突薪已味先幾智棋局偏歸急劫中

記否當年恢復日頭銜疊晉

聖恩隆

淮南端賴濟時才氣肅風雲上將臺盜賊難逃虞詡算士民

重借寇恂來萬人仰望同時雨千里馳驅走迅雷間道壽陽

方駐節蠻烟瘴霧一齊開

謂金觀
察光節

可園詩存卷四

江甯陳作霖伯雨

浮淮草

建咸豐丁巳二月
迄戊午五月

守風臨淮

時聞正陽寇警
將移家盱眙

十日泊河許愁懷鬱不勝雲沈天一色風湧浪千層待字閨
中女枯禪定裏僧愧無宗慙志破浪片帆乘

大風行

東海鯨魚忽狂吼颶風倒捲洪濤走長淮遙與海通波盡日
喧豗忘卯酉其始風聲微擊撞恍如將軍赴敵搖麾幢俄焉
水聲相鼓煽又如金戈甲來酣戰扁舟宛在水中央篷窗
四面皆汪洋顛來休息不使粒米留中腸潮頭高出
三尺許紛紛舟楫何側耳不辨欸乃聲但見千點萬點

浪花飛作雨我聞王濟下益州風利居然泊石頭又聞高閭
序滕王一夜神風助馬當風兮風兮爾今何不再使回天手
挽住風輪推向後飛廉在左少女右吹我東行不同首隨風
直到洪湖口

三月六日曉發臨淮

解纜乘潮去扁舟一葉輕雲開天有縫風定水無聲不盡千
戈劫頗懷詩酒盟溟濛朝霧裊迴望鳳皇城

舟中清明

買將孤棹賦東征十日難行一日程不是船頭皆插柳令人
忘卻是清明

十四日夜泊盱眙觀月作歌

蒼茫暝色洪澤湖舟子醉臥無人呼東方片雲摩盪久一輪

月上晃明珠遙與水光相激射一條匹練橫空鋪無端散作
玻璃彩不知是水是月兩模糊但見大魚欲吸不敢吸光芒
萬丈騰清虛我時箕踞坐船頭邀月酒一壺興酣耳熱狂叫
起欲向廣寒宮裏騎蟾蜍霓裳法曲合沓奏把袂盡是神仙
徒只恐瓊樓玉宇高寒甚是風吹我下天衢不如簑笠烟波
上繪成一幅月夜釣魚圖

盱眙臺子山訪棲雲菴

羈棲幸已定復騁遊遨足行行不知疲山徑窈而曲拾級入
寺門夾道皆修竹日光漏深紅風影搖新綠籬編麕眼明筍
作龍孫伏清颿颿然來撲去塵萬斛頗憶江南景同此怡心
目歸夢倘可尋冷抱碧雲宿

平遠閣小憩遂登來紫樓

小憩養腰腳愛此山光濃卻顧最高處棟宇何崇隆登臨賈
餘勇蜿蜒一徑通紅欄曲復折幾欲迷西東雙眸豁然開飛
樓凌虛空高直接翔隼俯欲瞰晴虹呼吸天門近神仙或可
達出世發遐想冷然御清風

玻璃泉

流泉汨汨出山遲最好風來月到時照我須眉清似鏡不知
是水是玻璃

登第一山會景亭示同遊諸君

山徑彎環鳥道通攬身如在畫圖中聯吟倍覺詩懷健絕頂
方知眼界空萬頃波濤淨地白滿山樓閣撲塵紅試從會景
高亭望誰復清狂似米翁

壁刊米元章
盱眙十景詩

遊汪氏水南園二首

別有幽居趣誰家築小園橋通紅板路樹裹綠雲村修竹排
成徑流泉響到門此中堪避世何必武陵源
屐齒印蒼苔陶家三徑開欄紅盤路曲山翠撲簾來春冷花
猶斂年深鶴已胎清談閒坐久隨意試茶杯

汪隄坐月次張味丈

永清韻

夜色淨涵空長隄亘斷虹月明半湖白燈閃萬家紅烟樹迷
離際帆檣出沒中相攜藉草坐何處覓鄆筒
雨後晚望疊前韻

樓臺結半空晴蜃氣如虹雨腳不知黑霞光相映紅天開奇
景處人在畫圖中得句欣同賞何須驛寄筒

近聞

近聞溧水縣傳箭肅兵機寇盜猶憑險將軍已合圍天高孤

月暈風急壞雲飛防守還須慎休教匹馬歸

喜雨

湖心水欲波山頂雲微吐雲水氣氤氲釀成三日雨奔騰碎
湃間霹靂闔龍虎倒瀉懸如河斜穿疾於弩我思去年蝗干
里皆赤土今夏苦旱暘又振薨薨羽倘非雨滂沱遺孽誰能
禦皇天閔下民降此恩澤普雖非洗兵戈庶免饑年苦且作
喜雨詩聊當秧歌譜

采蓮曲二首

紅渦嬌嬾暈綠鞦曉鬟鬆戲取蓮花較蓮花不及儂
斜陽明水渚載得滿船香並蒂休拋卻歸來贈與郎

弔金觀察

光緒

陣亡壽州二首

舉頭不見大星明如斗光芒落有聲河北風雲猶擊賊淮南

草木舊知名身先士卒文兼武氣懷須眉死亦生馬革裹尸
臣願畢蒼生誰不淚縱橫

紛紛諸將擁旌旌誰及捐軀報

國情舊境重臨嚴僕射孤軍轉戰李西平風馳羽檄屢催餉
月冷鈴轅夜罷兵勝負可憐難豫定

君恩重處一身輕

盱山感懷

戎馬尙如此東西靡定居生涯三尺劍行李一囊書骨月他
鄉聚親朋舊地疏高歌聊自慰天地總吾廬

夢登第一山賦詩醒記中四句補成一律

夢裏登山去崎嶇山徑斜亭臨萬木杪風攪半湖沙客久忘
鄉里秋深感物華天河如可到直欲泛星查

可園詩存

卷四

四

洪湖感事

獨立蒼茫感慨多
西來消息近如何
燒船無復周公瑾
聚米空思馬伏波
縱使屯兵連潁水
尙防敵艦下淮河
胸中無限憂時意
付與斜陽一浩歌

湖隄納涼

萬頃湖光闊不知
炎暑蒸雲爲山外
幃月作水邊燈
舉世方趨熱
吾心獨飲冰
狂歌誰作答
漁子一聲膺

次夕又與周浦雲

國棟

焦芝圃

賢弱

湖隄玩月

暮色蒼然裏
出門何所之
偶從湖岸立
爲與故人期
水近秋來早
山高月上遲
茫茫川上感
今古總如斯

觀園蟋蟀作歌

翩翩少年豪貴客
手持金籠籠蟋蟀
築壇教戰招羣雄
跳擲

似解孫吳術其始同類不相攻拒守各保壁壘中無端拊草
相撥弄勁敵忽爾狹路逢兩鬚初交直如戟雙股微曲張如
弓伏如蛙形各逞怒奮如螳臂立折衝躍如飛鳥淩碧落擊
如蒼鷹下晴空搏久暫息如牛喘再接再厲翼運風戰急相
持如人立一縱一橫鉞交習陣勢那復排螻蛄邊塞彷彿臨
螭螭追奔逐北不相讓餘勇可賈氣矜隆鼓翅長鳴復何意
鏡歌一曲聽雍雍我時旁觀心惆悵天下兵戈方震盪那堪
趯趯玉盆中秋蟲亦作跳梁狀

游傅氏廢園

湖山景固佳荒園亦僻靜暇日事幽尋俗慮盡退屏援葛危
欲顛擇途進愈猛樹木多蕪雜亭臺半敝整險盡地始夷豁
然開異境孤帆雲際來明湖波萬頃圖畫本天成惜無人管

領悵然倚石坐風吹衣袂冷興盡下山歸夕陽亂人影

送客歸途作

河干怊悵立多時送罷諸君有所思我與湖山緣較厚來時
偏早去偏遲

將赴鳳陽留別周鏡函

桂清

避亂偕君來暫向盱山住何期天上風吹我濠梁去濠梁爲
君家落月照庭樹相思如見尋定識夢中路

浮山堰

夾水兩山高河流急暮潮可憐嗚咽水終古恨南朝

明發雙溝遇順風過五河不泊計是晚可抵臨淮率賦

縱無宗慤濟時才如此乘風亦快哉衰柳競從窗外過荒城
剛向水邊開連檣矗立千鳥集破浪奔騰萬馬來風利果然

不得泊臨淮遙指白雲隈

十月二十六日還鳳陽

去時楊柳尚依依今日征途雪欲霏
桃洞那容漁父住草堂重見杜陵歸
階前紅葉頻教掃天際白雲時復飛
好覓寄書三尺鯉平安兩字達親闈

舊居用浦雲韻

曲曲疏籬窄窄門歸來松菊幸猶存
琴經屢拭塵無迹壁憶留題墨有痕
紙閣半殘方待補布裘雖敝尙能溫
最欣問字來佳客寒夜攜將酒一尊

寄芝圃

每到風清月白時別離況味漸能知
美人天末空懷想手折梅花贈與誰

可翬詩存

卷四

六

戲咏湯婆子

腹如瓠大口如瓶終夜依人夢不成堪笑稱名同妾婦如何也抱熱中情

聞張總統

國樑

克復鎮江進圍江甯誌喜

先登誰解拔螯弧聞道元戎膽氣麤降將功高唐李祐軍聲夜走漢單于天心自使萑苻滅人事先將蔓草圖破竹已成迎刃勢石頭城上陣雲孤

除夕次焦穉泉先生韻

覓得鷓鴣無定枝往來總在水之湄最難消遣惟今夕不識飄零到幾時脈脈思親憐我獨勞勞守歲笑人癡客中幸喜無多事一炷清香自祭詩

春初憶弟

與汝別三月春來倦倚樓身隨萍共泛心逐水東流芳草謝
公夢閒雲杜老愁牙牙初學語解得憶兄不

與浦雲夜坐

設榻西窗夜不眠客中事事總陶然清談每到三更後峭冷
猶餘二月天身有浮名皆外物心無妄想卽真禪與君閉閣
焚香坐結就閒中一段緣

感懷

花初結子綠陰成春老淮南繫客情半日讀書清課了十年
養氣忿心平身如巢幕處堂燕家比遷喬出谷鶯

時鳳陽屢
警家寄肝

貽

自笑壯懷無處託夢中奪取石頭城

寄家書

風聲鶴唳不勝寒欲寫家書下筆難爲怕高堂懸憶切強從

亂裏說平安

戊午暮春寓居鳳陽感事抒懷悲歌五首

宿鳥巢林無靜柯時艱處處皆兵戈天生一水限南北蛟龍

出沒興風波只愁險阻難久恃臨流敵馬投鞭過

時賊賊犯臨淮北岸

嗚呼我生其間渺一粟呼天特爲蒼生哭

有家有家寄都梁山川悠悠道路長聞警倉皇沿淮下骨肉

流離各一方我欲從之不可得河廣誰能一葦杭

賊陷五河赴明水路

中嗚呼天際白雲自高潔獨坐荒齋愁思結

庸臣誤國爲惜死見賊不敢遺一矢曳兵棄甲空歸來壞雲

如山壓戰壘河上逍遙壁上觀古來怯懦皆如此嗚呼安得

手提十萬兵借劍事許便宜行

漫天黑雲垂雨腳萬木有聲喧大壑久旱望雨如望兵蕭疏

急響打簾幕。嬾龍鞭起半空行。麥苗漸見青漠漠。嗚呼好生
本是造化心。我欲再祈三日霖。

腐儒憂世誰相卹。負郭無田居無室。仲宣飄泊客爲家。杜老
窮愁詩度日。承平雅頌知何年。滄桑變幻不可必。嗚呼天地
雖大莫容身。武陵桃花何處春。

鳳陽感事五首

淮上兵戈已不堪。夢中猶唱望江南。半旬忽失堅城五

粵賊陷和

滁二州含山全椒來安三縣

一月虛傳捷報三。憑社鼠奔徒擾擾。負嵎虎

視正眈眈。書生無地施奇策。憤激聊爲醉後談。

年來上下盡相蒙。戰守無人肯竭忠。城以衛民爾受困。兵能
避賊亦稱功。鼓鑿夜靜山頭月。烏鳥聲喧幕上風。持重養鋒
眞善策。元戎經濟本來同。

袁安憂國受排擠此悔而今已噬臍淮右竟成三面網關山
未塞一丸泥倘非天上將軍落已見城中敵馬嘶師克在和
須記取當年覆轍莫重題前年袁都堂被劾去臨淮守已
久謀言賊破滁後即擬北犯關尹
參戎善廷黃觀察
元吉兵至而止

合從誰探賊中情吳楚河山苦戰爭睽隔祇逾二百里

粵賊
擾及

朱龍橋撫逆
犯臨淮河北支持惟仗數千兵縱教瘠土垂涎少常恐衝途
假道行控制中原形勝地諸君好爲塞夷庚

南北烽烟耿百憂坐傷風景楚邦囚磨中旋轉皆如蠟水面
浮沈欲逐鷗變幻不知明日事煩難非爲一身謀琴書拋卻
渾閒事枉向天涯決去留

四月八日自鳳陽避亂出次大通橋明日道出臨淮南岸至
小溪河村舍卽事書懷三十韻

亂離今已迫倉卒出危坡拋卻琴書重攜將襖被輕炊烟出
樹直落日傍山明野闊雲無影橋空水有聲一身飄泊慣十
里道途平問宿投村店臨流遇友生與張畏知遇於途次挑燈敘苦語
漸草話征程愁思縈千結危籌數五更恩恩天易曙忽忽夢
難成早起牀抽簾晨飢飯煮菰菜莖流味美餅餌送香清林
馬脂車暇長亭短堠迎舉頭憂燧火滿目盡災氓河北家都
破淮南日數驚敵師如竟渡此道豈能行走險休嗤鹿還喬
卻類鶯三間茅屋賃一楊土牆橫野色開門見溪聲漱石鳴
碧連秧雨足涼散麥天晴牧子臨風唱烏牛趁月耕農方忙
作苦我亦欲逃名壯志消磨劍新符似避兵看書聊遣睡垂
釣久忘情跡已漁樵溷鄰無雀鼠爭遊山逢大謝卜宅約齊
嬰桃隱源中洞峰思海上瀛浮蹤商去住生計費經營偃偃

心無主昏昏醉欲醒望雲常獨立指日賦東征聊誌泥鴻印
吟成莫笑儂

二十一日重到盱眙二首

言入盱山境心急捨車歸徒行二三里倏已到柴扉 高堂
聞我至喜極淚還揮妹爲調羹飯弟解牽征衣各訴流離況
情話兩依依感茲骨月恩深悔蹈危機

去年炎暑天邀月隄上醉今年尋舊遊處處皆能記叩門訪
故人相見還相慰讀我囊中詩知我客中事時勢任摧殘未
減狂奴氣料理舊芒屨湖山結新契

聞鳳陽失守有感

憶自蒼黃出走時成樓雲暗暮笳遲道途轉徙心常怯書籍
拋殘亂可知未息風波仍迭起將頽廈宇孰能支爲經數載

萍蹤寄不是鄉園也淚垂

五月初九日聞警東下泛洪澤湖過龜山

鐘聲杳靄白雲間
疊嶂層巒不可攀
避亂悠悠遊興減
隨潮徑過古龜山

夜泊黎城鎮

在寶應湖中

干戈如蝟起何處足容吾
市口人聲雜波心月影孤
途窮偏作客
世亂恥爲儒
欲把魚竿隱
憑誰乞鏡湖

可園詩存卷四

男詒紱孫祖同校字